

(\*) *Crantzius Metropol. lib. I. cap. I. p. 4.*

(\*\*) *Videatur Edda Islandorum ex editione Petri Ioh. Resenii Mythol. XLVIII. lit. S. ubi haec verba reperias. „Ex vinculis dissoluitur Garmus canis, qui allegatus fuerat ad ostium speluncae, quae Gnypa heller nominatur. Is, maxima est pernicies, cum Thoro concreditur, et cadunt ambo. Thorus victoriam quidem ab angue Midgardiano reportat, sed nouem passus ac illo digressus, ob vim veneni, quo ipsum anguis afflarat, mortuus decidit.“ conf. Mythol. XIX. Lit. H. 2.*

(\*\*\*) *Snoro Sturleson. P. III. Chron. Noruag. p. 61. 62. 117. Huc quoque facit historia de fonte in Helgolandia a paganis sanctissime habito, cuius §. VIII. huius Cap. num. IVto mentionem feci.*

#### §. IV.

Non desunt coniecturae, quibus probabili quadam ratione firmari possit, saeculo secundo etiam nauatam esse operam ut in Cimbria caput efferret Christiana religio. Tempore Caesaris TRAIANI non ciuitates tantum, sed vicos etiam atque agros peruagatam esse testis est C. PLINIVS Caecilius secundus in inclita ad Traianum epistola. Idem tuentur sancti comparis aetatis viri et Patres. (a) In iis IRENAEVS ciuitates DEI in Germania fuisse, easque quidquid in symbolo apostolico extat credisse atque professas esse propugnat. (b) Veritati igitur haud ab simile est, hoc aeuo etiam ad Cimbro de CHRISTO quamdam minimum notitiam peruenisse. Neque enim hoc loco omitendum, extare interpretationem symboli apostolici antiquissimam lingua Anglo-Saxonica exaratam, quae a litteraturae Germanicae peritissimis, eam ex MSto publicantibus, ad haec circiter tempora refertur. (c) Non solum huius interpretationis veterrima aetas hoc IRENAEI testimonio quodammodo communitur, ex quo constat, eo tempore in Germania prae ceteris symboli huius rationem habitam fuisse, verum etiam ex eadem interpretatione inferas, veritatem doctrinae symboli apostolici in Germania profitentes, in Cimbris

bris